



STrabus in schola Fuldensi optimis literis institutus fuit, atque Rabanum abbatem præceptorem habuit. Cum autem literas mirum in modum amaret, ibidem monachus Benedictinus factus est. Erat optima indole præditus. itaque factum est ut breui tempore in uirum doctissimū euaserit, quem Rabanus mirè dilexit, atque sibi ab Epistolis ordinauit. Vt autem Strabus nomen suum ad posteros propagaret, in Genesim, Exodum, Leuiticum, & alia commentaria ædedit. Is etiam glossam (quæ postea Ordinaria dicta fuit) super Biblia ex patrum dictis, primus omnium collegit. eam postmodum alij adiunctis patrum sententijs ampliarunt. Claruit is

potissimum sub Lothario Cæsare, Anno Christi octingentesimo quadragésimo quinto. Trit. in script, Eccles.